

غزوة أحد " كلنا اليوم فداك " .. الحلقة (71) .. #لماذا_محمد ﷺ

.. د . حازم شومان

حازم شومان

رب اللي اصطفاه وربنا بعته ليه السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. لبيك يا ربنا وسعديك والخير كله في يديك. والشر ليس اليك انا بك واليك. تباركت - 00:00:00

تعاليت استغفرك واتوب اليك. اللهم صل على طيبب قلوبنا وحبیب قلوبنا وشفيعنا يوم العرض عليك محمد صلى الله عليه وسلم في الاولين والآخرين والملاً الاعلى الى يوم الدين ثم اما بعد. الليلة يا اخوانا مع غزوة جديدة من غزوات رسول الله صلى الله عليه وسلم. غزوة من - 00:00:39

اللي الرسول خاطر بحياته عشانا فيها. والصحابة خاطروا بعمرهم عشانا فيها. هنتكلم الليلة مع غزوة احد سبعة شوال ثلاثة هجرية. يعني بعد بدر بسنة بعد نصر بدري يا جماعة يقرر ابو سفيان انه لا يمكن هيضع دم السبعين مشرك اللي اتقتلوا في بدر هدر. لا يمكن هيضع دم ابو جهل وامية ابن خلف - 00:00:59

لا يمكن هيسيب قريش صورتها تنهز قدام العرب. وزعامتها تنهز وتجاريتها تتعرض للخطر. لا يمكن هيشوفنا هيسيب محمد ابن عبدالله. ينشر الاسلام الجزيرة كلها بدون اي مقاومة. ويقرر ابو جهل بعد ما مناخيره ويقرر ابو سفيان. بعد ما انف قريش اتحطت في التراب. منظرهم وهم خارجين - 00:01:19

زفة رهيبه في غزوة بدر غير منظرهم وهم راجعين. كل واحد بيستغيس بقبيلة من القبائل. عشان تجيرو يقدر يرجع مكة ثاني وهو مذلول و جريح ويقرر ابو سفيان ان الخمسين الف دينار اللي كانوا في القافلة اللي كان يبقودها. يتصرفوا كلهم على تمويل جيش يروح به - 00:01:39

يقضي على رسول الله صلى الله عليه وسلم. خمسين الف دينار يعني حوالي خمسين مليون. بل ممكن يوصلوا لسبعين مليون. يعمل تعبئة عامة في مكة يعمل استنفار للقبائل اللي حواليين مكة يبقى معه جيش ثلاث اضعاف جيش بدر ثلاث تلاف مقاتل. ويقرر ان النساء كلهم اخواتهم وزوجاتهم - 00:01:59

يخرجوا معهم عشان ما فيش حد يعرف يهرب. متخيلين يا جماعة جيش جيش متمول خمسين مليون جنيه في الوقت ده. تسليحهم شكله ايه اعدادهم شكله ايه؟ الحيض اللي جوة قلوبهم هند بنت عتبة. تقول لوحشي العبد عبد اسمه وحشي. دم حمزة هو دم تمن عتقك. تمن - 00:02:19

حريتك دم حمزة ما لكش وظيفة. غير انك تقتل اللي قتل ابويا واخويا وعمي في بدر. يخرج جيش المشركين وكان مرتب جدا. لدرجة انه فترة قياسية كان على حدود المدينة المنورة. الرسول والصحابة بقوا في ازمة رهيبه. هيعملوا ايه؟ هيوافوا الموقف ده ازاى؟ الرسول عليه الصلاة والسلام يعمل جهاز مشورة يعمل مشورة. الشباب يقول يا رسول - 00:02:39

ان شاء الله نخرج لهم. ما نسيبش المدينة تتحاصر. دما يبزل عشان الاسلام يا رسول الله. نفسنا نجاهد. نفسنا نضحي. نفسنا ندوق اللي انتم دوقتموه في بدر كان دول الاغلبية. الشيوخ يقولوا يا رسول الله المدينة محصنة اصلا. صخور بركانية من كل الجهات ما فيش غير الشمال. هو اللي ممكن يدخلوا منه. لو جروا انهم - 00:02:59

يدخلوا نحاربهم على ابوابها وفي شوارعها وعلى اسطح بيوتها ونقتلهم يا رسول الله. ويدي الرسول درس لزعماء الامة ليوم القيامة. انه ياخذ الاغلبية في المشورة رغم انه خلاف رأي الرسول ويقرر الرسول عليه الصلاة والسلام الخروج ويلبس لقمة الحرب. الشباب يروحوا خلاص يا رسول الله افعل - [00:03:19](#)

ما بدا لك يقول بكل اصرار ما كان لنبي اذا لبس لقمة الحرب ان يضعها حتى يحكم الله بينه وبين عدوه الرسول عليه الصلاة والسلام يا جماعة يعمل تعبئة عامة استنفار طوارئ عامة. الجو كله يبقى جو مهياً للمعركة. ويخرج وراء رسول الله الف مقاتل من - [00:03:39](#)

ولكن في بداية الطريق يحصل حركة خيانة رهيبة من ابن سلول زعيم المنافقين. ياخذ تلتमित مقاتل من اللي بيسمعوا كلامه. ويفصل ويرجع عن الجيش تلت الجيش يفصل في ضربة رهيبة للجيش الاسلامي في البداية. ابن سلول اول ما حس انها معركة بجذ والجيش الثاني قرب. رجع الصادق هو اللي هيكمل - [00:03:59](#)

اخر مين اللي هيكمل للآخر ويخرج رسول الله صلى الله عليه وسلم. الرسول يا جماعة يخرج في جو المعركة انا عايز ابين لكم جو معركة احد كان شكله ايه الكتب اللي على يميني دهيت دي جبل احد. ده جبل احد. والكتاب اللي على شمالي ده جبل الرماة جبل صغير. الرسول وقف على جبل الرماة دهوت خمسين رامي - [00:04:19](#)

بقيادة عبدالله ابن جبير قال لهم ان رأيتمونا تخطفنا الطير فلا تنزلوا. ان رأيتمونا نقتل فلا تغيثونا. ان رأيتمونا نتنصر فلا تنزلوا ما لكوش دعوة. انتم تخلوكم هنا لنهاية المعركة. كانت خطة قريش انهم هيجوا من هنا من قدام من هنا. والنبي عليه الصلاة والسلام جاي من المكان اللي انا قاعد فيه - [00:04:39](#)

اهو جاي من الناحية دي. وقريش جاية من هنا. خطة قريش ان مجموعة منها هتلف من ورا جبل الرماة اهوت عشان يطوق المسلمين ويتعمل عليهم كماشة. من قدام وورا وتبقى مقتلة للمسلمين. عشان كده الرومان اللي دول واقفين هنا كان وزيفتهم ان هم يمنعوا اي تسلل من - [00:04:59](#)

المشركين من ورا جبل الرماة والا هتبقى مصيبة. ويجي جيش المشركين. الفين واحد ورا ابو سفيان في القلب. تمنميت واحد ورا عكرمة ابن ابي جهل في الميسرة ميتين فارس ورا فرس خالد ابن الوليد في الميمنة. خالد ابن الوليد اللي هيحاول يلف من حوالين جبل الرماة. حذاء تسع رجالة من بني عبد الدار شايلين راية - [00:05:19](#)

كفر وشايلين الراية بتاعة المشركين وتبدأ المعركة وينقض المسلمين زي الاسود على المشركين. سبعميت اسد انقضوا على التلات الاف مشرك. كانت بداية المعركة لصالح الاسلام تماما يا جماعة. كانت بداية المعركة رهيبة. المشركين اتحطموا نفسيا في اول دقائق. طلوعوا يجروا على الجبال. طلوعوا - [00:05:39](#)

المشركين وقتل المشركين والنساء بتوع المشركين. والسبعميت واحد ورا التلات الاف. ابو سفيان هرب وسط نساء. خالد بن الوليد حاول ان هو يلف من ورا جبل الرماة. تلات مرات والرماة منعه وفشل. وشلت حركة خالد ابن الوليد. عكرمة ابن ابي جهل حاول يتسلل من - [00:05:59](#)

الميسرة جابر ابن عبدالله مع الكتيبة تصدى له وشل حركة عكرمة. الراية اللي ماسكها الكفار يتقتل حامل الراية من علي ابن ابي طالب. تقع راية ويمسكها واحد تاني اتقتل تقع. تالت تاسع تسع مرات تقع راية الكفر. تسع مرات والسبعمية مسلم طحنين التلات الاف - [00:06:19](#)

مشرك وبيبدأ المعركة خلاص المعركة بقت واضحة يا جماعة المسلمين منتصرين مختسحين. خالد ابن الوليد يطلع يجري وسط النساء خلاص. المعركة منتهية المسلمين. مشركين وقادتهم بيفروا. بيفروا من المعروف بكى ويبص المسلمين يلاقوا ارض المعركة مليانة غنائم. ده جيش متمول خمسين مليون. ذهب الاف النساء. الغنائم بتاعة التلات الاف راجل - [00:06:39](#)

المسلمين يجروا على الغنائم. الرماة على جبل الرماة يبصوا يقولوا الغنيمة. الغنيمة ينزلوا يجروا. عبدالله ابن جبير القائد بتاعهم يصرخ. الرسول قال لنا ان رأيتمونا نتنصر فلا تنزلوا. يقولوا الغنيمة الذهب ده جيش متمول خمسين مليون. يجرم عبدالله ابن جبير

وتسعة من الرماة. يفضلوا على - 00:07:03

الجبل مش عايزين ينزلوا يسمعوا امر رسول الله. المشركين ييجروا يا جماعة ييجروا. خالد بن الوليد يبص لورا بصة وهو ييهرب من الناحية داهية يبص لورا يلاقي المسلمين كلهم على الغنائم. ويلاقي الرومان نزلوا من على الجبل. ويلاقي المسلمين مكشوفين. خالد ابن الوليد في لحظة يعدل الفرس بتاعه. وينادي على المتين فارس اللي معه - 00:07:23

وييجي من ورا جبل الرماة يطلع يقتل العشرة اللي على جبل الرماة. ويحتل المشركين اخطر موقع في المعركة. جبل الرماة ويلف خالد مع الفرسان من ورا المسلمين وينادوا على ابو سفيان والالفين اللي معاه يرجعوا. وعكرمة ابن ابي جهل واللي معه يرجعوا. وراية الكفر تتشال تاني وتترفع تاني - 00:07:43

ويطوق جيش المسلمين ما بين الكفار. المسلمين نزلوا يلماوا الغنائم. الارض كانت مليانة غنائم. لما نزلوا بقت كلها دم. لما ورا الدنيا كل حاجة ضاعت. المسلمين اتفزعوا من الانقلاب الرهيب اللي حصل فجأة. طلعا يجرؤا على الجبل يجرؤا. ما هماش عارفين ييجروا فين كل واحد ييجري في اتجاه - 00:08:03

انقطع الاتصال بين النبي وبين الصحابة. حمزة بن عبد المطلب شاف جبل الرماة. احتل. حاول ان هو يجري على الجبل عشان يحطم محاولة خالد. وحشي وحش ابن حرب كان باصص له في الفترة دي وراصده. وهو ييجري على جبل الرماة يرميه بحربة في بطنه. يقتل حمزة ابن عبدالمطلب اسد الله. وتبقى صدمة رهيبة - 00:08:23

مسلمين المسلمين من ربكتهم في بعضهم قتل بعض. من شدة الريبك ما عادوش عارفين مين المسلم ومين الكافر. والرسول عليه الصلاة والسلام الصحابة يجرؤا ويهربوا ويقف الرسول لوحده في المعركة. وينكشف رسول الله صلى الله عليه وسلم. المشركين مش مصدقين. الميم جريوا والرسول وسط الجيش المشرك واقف في المعركة - 00:08:43

فرصة العمر الرسول ما رضاش يهرب. ما رضاش يجري عليه الصلاة والسلام. فيه شجاعة منقطعة النزير في البشرية عبدالله بن قماة كان حافر حفرة عشان يحاول يوقع النبي عليه الصلاة والسلام فيها. جيش المشركين وهو بينكب على النبي. النبي يقع في الحفرة وتكسر انف - 00:09:03

النبي عليه الصلاة والسلام ويشجع عضم وجه النبي ويدخل الحديد يغرس في عضم وجه النبي عليه الصلاة والسلام. وتكسر اسنان النبي الرباعية بتاعته. وتقتل اقطع شفة الرسول عليه الصلاة والسلام. ويظل الرسول عليه الصلاة والسلام ينزف في موقف رهيب. في ازمة رهيبة ويصرخ رسول الله. من يردهم عنا ولا - 00:09:21

الجنة مين اللي يرد الجيش دهو عنا وله الجنة ان المشركين جروا بالسيوف وناس من بعيد بالرماح وناس من ورا جاية عشان تضرب الرسول من ظهره عليه الصلاة والسلام. الوقت يا جماعة غزوة احد هيبيين لنا الصحابة حبوا النبي قد ايه. غزوة احد هتبيين لنا ازاى ان ما فيش انسان حب انسان - 00:09:41

قد ما الصحابة حبوا رسول الله. غزوة احد هيبدل فيها تضحيات لانقاذ رسول الله. ما اتبزلتش في تاريخ البشرية كلها. في لحظة هينقلب جيش لمين ؟ ليه جيش من الفراقيين والاستشهاديين لانقاذ رسول الله ؟ حب ما فيش الم على وجه التاريخ يقدر يكتبه ولا يوصفه. مصعب ابن - 00:10:01

اول ما يشوف منزر رسول الله مصعب كان ماسك الراية. اللي عليها لا اله الا الله محمد رسول الله. يجري قدام النبي يحمي جسم النبي بجسمه. مصعب يفضل ماسك الراية مهما حصل حتى لو هو وقع الراية ما تقعش. وبالاليد الثانية ماسك سيف قدام الرسول وواقف يدافع عن رسول الله باستماتة. كان مصعب - 00:10:21

شبه النبي عليه الصلاة والسلام بالزبط. لدرجة ان ابن قماة الكافر عليه لعنة الله. ظن ان هو النبي يضرب الايد اللي فيها الراية في ايد مصعب. يطير دراع مصعب يطير يقطع دراع مصعب تماما. ابن خمأة كان كل همه يوقع الراية مش يوقع السيف. قضيته الراية ومصعب قضيته الراية - 00:10:41

مش الصيف يرمي الصيف من ايده مصعب ويمسك الراية بايده السليمة عشان الراية ما تقعش. يقوم ضاربه بنقاب اه ضاربة على ايده

التانية. فاصلها عن تماما ويتفجر الدم من كل ناحية من جسد مصعب ابن عمير. مصعب ابن عمير ما هوش عارف يعمل ايه. مصمم يفضل بيحمينا بجسمه للنهاية. مصمم يفضل - 00:11:01

قدام النبي ومصمم انه يشيل الراية للنهاية. ما عادش في جسمه حاجة يقدر يمسك بها الراية. غير بين رقبته وصدره ويحضن مصعب راية لا اله الا الله بين رقبته وصدره يقوم ضاربه بنقاة ضاربة بالسيف يدبح مصعب ابن عمير ويسقط مصعب ابن عمير يسقط والدم - 00:11:21

فجر من كل حنة من جسمه يسقط وهو حاضن الراية. يسقط وهو حاضن راية لا اله الا الله محمد رسول الله. يتفجر الدم بتاعه على حروف الراء لغاية ما دمه يتمزج بكل حرف من حروف لا اله الا الله محمد رسول الله. يسقط مصعد مزق قدام النبي وهو بيدافع عنه - 00:11:41

مصعب ابن عمير يا جماعة رضي الله عنه يا صبر قلب النبي على موت مصعب. ده الواحد بيتكلم الوقتي عن مصعب وقلبه مولع نار عليه. كل نقطة من دمك يا مصعب هتبقى - 00:12:02

يفرق فيه اهل الباطل. كل نقطة من دمك يا مصعب هتبقى نور للشهداء من وراك. على الطريق. هي اصعب جرح في قلوبنا ولكن ربنا يستاهل عمرنا وروحنا مصعب يموت نفس الموتة اللي جعفر ابن ابي طالب في مؤتة هيموتها بعد كذا سنة. لان كل هم واحد الكل فكر واحد - 00:12:12

كل مستعدين يتقطعوا تحت الراية. كان كل الهم وكل الفكر واحد يا جماعة. ولما تشوف دموع حنة بانث جحش مرات مصعب المنهمر عليه. بعد المعركة نعرف التضحيات كانت شكلها ايه. مصعب اتقتل موتة من اعظم موتات التاريخ. واول ما يموت يحسبوا ان الرسول اللي مات يهتف الكفار. مات محمد - 00:12:32

قتل محمد. المسلمين اول ما يسمعو كده يجروا من على جبل احد دهه يطلعوا لغاية الناحية التانية يقعدوا الناحية التانية هنا هو. ويرموا السيوف بتاعتهم محطمين نفسيا انس ابن النضر كان في الوقت ده بيتاجر وما هوش عارف ان الغزوة بدأت. وكان بدر فاتته والا ان ادركت مشهدا اخر ليرين الله ما اصنع. يجري - 00:12:52

انس ابن النضر من الناحية اللي ورا جبل احد يجري لما يسمع ان المعركة بدأت يلاقي الصحابة قاعدين يقول لهم في ايه؟ ما تفعلون قالوا قتل رسول الله اتقتل يا انس. حبيب الله اتقتل. يقول لهم فماذا تفعلون؟ قومم. انتم قاعدين؟ قاعدين ورسول الله اتقتل. هتعملوا ايه بالحياة بعد الرسول؟ ايه - 00:13:12

الدنيا بعد الرسول قوموا موتوا زي ما مات. امه موتهم هتعملوا ايه بالدنيا بعد حبيب الله؟ قوموا فموتوا على ما مات عليه رسول الله. انتم عشتم زي ما عاش عليه. موتوا على ما مات عليه عشان تبقوا معه في الجنة. انتم شامين اللي انا شامه؟ انا شامم ريحة الجنة. انا شامم واهن لريح الجنة. انا شامم ريحة - 00:13:32

الفردوس ريحة مسكها ريحة الجنة دلوقتي داخله لقلبي يا جماعة يا اصحاب رسول الله. ريحة قصور الجنة وعطرها واهن لريح الجنة الريحة اللي انا شاممها دي لا يمكن تكون ريحة الدنيا. دي ريحة الجنة. ابواب الجنة اتفتحت يا اصحاب رسول الله. انا شامم ريحة الجنة جاية من ورا جبل احد من هنا هو - 00:13:52

اني لاجد ريح الجنة دون احد. ويجري يجري انس ابن النضر ده يطلع من على الجبل وهو بيصرخ. اللهم اني اعتذر اليك مما فعله هؤلاء انا يا رب عمري ما افر واسيب رسولك. يطلع انس وهو نازل من على جبل احد يفاجأ ان المسلمين مطوقين وبيتقتلوا من ناحيتين. لو انت مكانك - 00:14:12

تنزل. انس نزل وهو بيحسب ان النبي مات. انس ما كانش نازل يحارب. كان نازل يتقتل زي رسول الله صلى الله عليه وسلم ينزل انس يتطعن في رجليه وايديه ويقاتل. يطعن في بطنه ويقاتل. يطعن في صدره ويقاتل. يطعن في قلبه ويكمل. يطعن في - 00:14:32

في شرايين رقبته ويقاتل خمسة وثمانين طعنة. بضع وثمانين طعنة يا جماعة. انس ابن النضر اتقطع خمسة وثمانين حنة. بقى انسان

جسمه متقطع خمسة وتمانين حنة قدام المشركين. انس ابن النضر يا جماعة ما حدث عرفه بعد المعركة شوية تحت متقطعة. اخته عرفته من صابع حنة من جسمه. اخته عرف - [00:14:51](#)

انس كان نازل يا جماعة عشان يموت زي ما النبي مات. كان ده همه. انت عملت ايه عشان تبقى مع النبي في الجنة؟ ده اللي انس عمله عشان يبقى مع النبي في الجنة. انت عملت ايه - [00:15:11](#)

تنصر دين الله. انس اتقطع خمسة وتمانين حنة عشان ينصر دين الله. وجعفر بن ابي طالب في مؤتة بعدها بكزا سنة يتقتل نفس القتلة. لانهم نفس الهم. كانوا سمرة شجرة واحدة. شجرة محمد شجرة التضحية والفداء. انس ابن النضر يموت هذه الموتة الرهيبة - [00:15:21](#)

يموت هذه الموتة الرهيبة. انس ابن النضر يا جماعة ضحى بكل حاجة. انس ابن النضر اتقطع واتمزق عشان رسول الله. بعدها بكزا سنة جعفر هيضرب في وجهه بضع وتسعين طعنة. تخيلوا بني ادم يعني لو واحد خد سكينه اتطعن بسكينه هيقع من طوله. تخيلوا بني ادم بيطعن بسيف الروم خمسة - [00:15:41](#)

ان طعن ولسه واقف على رجليه ايه العزيمة دي! ايه القوة دي! ايه الفداية دي! حب رسول الله اتكتب بدمهم! كتبوا رسائل للرسول عن حبهم لك بدمهم في احد. حب لا يوصف. يا جماعة كانت احد. احد ديت يوم في حب رسول الله. احد دي اسبتت فيه ناس حبت رسول الله قد ايه - [00:16:01](#)

ايه لو عرفتيتها تحببه لو عرفته هتحبه. لو عرفنا الرسول هنجبه زي ما هم حبه. الرسول عليه الصلاة والسلام. الصحابة الصحابة لسة ما جوش حوالين النبي النبي يهتف من يردهم عنا وله الجنة. مين؟ الانصار يسمعون الكلام بتاع النبي. يبجي واحد من الانصار يقف ما بين النبي وبين المشركين. ويفضل - [00:16:21](#)

قاتل يقاتل لحد ما يقع ممزق قدام النبي. يبجي واحد ثاني من الانصار تالت رابع. خامس سبعة. سبعة من الانصار يقعون قدام رسول الله صلى الله عليه وسلم. وهم بيحاولوا يدافعوا عن النبي بروحهم بكل ما اوتوا. لغاية ما طلحة بن عبيد الله يبجي يلاقي سبعة من الانصار مقتولين ما بين النبي - [00:16:41](#)

من المشركين يبص لسبع جسس سبع جسس اتقتلوا اللي وقف في المكان ده اتقتل. انا لو دخلت يبقى الف في المية هاتقتل زيه. لو دخلت يبقى الف في المية زيه. لو دخلت يبقى خلاص دي نهايتي يقينا نهايتي. لو انت مكان طلحة تدخل. لو انت مكان طلحة تدخل تدخلي تدافعي عن رسول الله صلى الله عليه - [00:17:01](#)

وسلم. حبيب الله سيوف الكفار مرفوعة ومشهرة ناحية النبي. عايضة تمزق في جسد رسول الله. وما عادش في حاجة بين النبي وبين المشركين لازم يدخل فوراً. النبي حواليه بركة دماء رهيبة. دم مصعب اللي اتصفى كله حوالين رسول الله. ودم انس ابن النضر ودم السبعة الانصار - [00:17:21](#)

الدماء وجراح رسول الله اللي نسفت دم الدم روى الارض حوالين النبي. بركة دم رهيبة حوالين رسول الله. صلى الله عليه وسلم. واحب خلق الله الى طلحة بن عبيد الله متقطعين حوالين رسول الله. والرسول في وسط كل ده بيقول اللهم اغفر لقومي فانهم لا يعلمون - [00:17:41](#)

اللهم اغفر لقومي فانهم لا يعلمون. طلحة بن عبيد الله يقرر انه يدخل ويصرخ. اللهم خذ من دمي اليوم حتى ترضى. الله ثم خذ من دمي اليوم حتى ترضى. يدخل طلحة بن عبيد الله - [00:18:01](#)

يقاتل بشراسة ما فيش بشر قاتل بها. بكل زرة حب في قلبه لرسول الله. انا اتقطع. انا السيوف تمزق في جسدي. انما الرسول ما يتلمسش طول ما يتخداش الرسول ما فيش اي حاجة تيجي عليه ابد ابد. يقف طلحة بن عبيد الله يقاتل والسيوف بتبرق من حواليه في لفح الشمس اللي كانت المعركة فيه - [00:18:16](#)

كل سيف عايز ييزق حنة من جسد طلحة بن عبيد الله عشان يوصلوا لرسول الله. كل سيف منهم ممكن يطير الف رقبة وطلحة واقف وصامد سابت وواقف يدافع عن رسول الله صلى الله عليه وسلم لحد ما يبجي من بعيد. ابو بكر الصديق وسعد بن ابي وقاص. سعد

وهو داخل شاف منظر رهيب - 00:18:36

بيقول وجدت النبي وعلى يمينه ويساره رجلان لم ارهما من قبل. يقاتلان عن رسول الله دول مين يا جماعة؟ دول جبريل وميكائيل جبريل وميكائيل جبريل وميكائيل ربنا نزل ملايكة السماء تدافع عن النبي. ليه؟ هو انتم فاكرين ان اثنين ثلاثة هيقفوا قدام النبي؟ كانوا - 00:18:56

مؤمن جيش كامل من المشركين ومن السهام الاف السهام اللي جاي على النبي من كل مكان. يا جماعة ربنا نزل الملايكة لرسول الله. ربنا نزل اعزم ملائكة السماوات رسول الله يجري سعد على الرسول. الرسول يقول له هو وابو بكر دونكما اخاكم. ربحوا طالعة طلحة بن عبيد الله اللي اتقطع قدامي داهوه. دونكما اخاكم - 00:19:16

فقد اوجب خلاص عمل الحاجة اللي يجب له بها الجنة. انت اوجبت بايه؟ انت دافعت عن رسول الله بايه تجب لك به الجنة؟ ويقف سعد ابن ابي وقاس. يرمي المشركين بالسهم عشان يبعدهم. والرسول يقول له ارم سعد. فداك ابي وامي. ويجي ابو طلحة يجري. ابو طلحة غير - 00:19:36

طلحة ابو طلحة يجري يضربهم بالسهم عشان يبعدهم. الرسول يرفع راسه عشان يشوف في ايه؟ يقول له يا رسول الله يا رسول الله لا ترفع رأسك تريدون نحرك يا رسول الله. نحري دون نحرك يا حبيب الله. يعني ايه؟ يعني قبل ما اي حاجة تخذش رقبتك تلمس رقبتك - 00:19:56

قبل ما شوية هوا ييجوا على رقبتك هيكون رقبتني انا طارت. انا رقبتني فدا لخدش واحد تتخذش رقبتك. انا فاصلة راسي عن جسمي فدا جرح صغير بس تتجرحو يا رسول الله. حب رهيب حب رهيب اسمته الصحابة. لرسول الله صلى الله عليه وسلم. بس دلوقتي الموقف فيه نقطة تانية خطيرة يا جماعة. الوقت - 00:20:16

القضاة من السيوف بس فيه ناس بتضرب فيه ناس جاية بتلف حوالين النبي من ضهره عشان تقتل النبي. ضهر النبي مكشوف وبعدين هيعملوا ايه؟ مين اللي هيحمي ضهر مين اللي هيقف على السغر المفتوح ده؟ امرأة نسيبة بنت كعب ام عمارة تلاقي ضهر النبي مكشوف تلف من ورا النبي عليه الصلاة والسلام وتقف - 00:20:36

هي وابنها وجوزها وتمسك سيف في وسط الفرن داهو تمسك سيف وتقاتل. يجي ابو عمرو الفاسق اللي كان عايز النبوة قبل النبي ولما النبي ربنا اداها له بقى عدو للرسول. ويجي عبدالله بن قماة ويحاولوا انهم يضربوا النبي من ضهره. تقف لهم بالسيف مش هتعدوا. مش هتوصلوا لرسول الله - 00:20:56

على جستني يحاول ابن قوم انه ييجي يمين شمال ما فيش فايذة. ما يلاقيش حل غير انه يضربها بالسيف على كتفها. تنفجر الدماء من شرايين اكتافها. يبقى جرح تدخل ايدها فيه لمدة سنة. تبقى جرح رهيب. ييجي ابنها يغيثها وينقذها. تقول له اليك عني. اليك عني. اغث رسول الله - 00:21:16

اه رسول الله ضهره مكشوف. رأى النبي الله ضهره مكشوف. الرسول هيتقتل. انت جاي تكلمني في ايه؟ خليك مع النبي عليه الصلاة والسلام. انا مش مهم بعد المعركة الكل مسئول من صمودها. يقولوا لها كيف تحملت يا ام عمار؟ قالت واتحمل واتحمل من اجل - 00:21:36

الله صلى الله عليه وسلم انت تتحملي ايه عشان النبي؟ انت تتحمل ايه عشان رسول الله صلى الله عليه وسلم؟ لسة فيه مصيبة تانية. الوقت ضهر النبي محمي. ووش النبي من السيوف محمي. فيه مصيبة تانية ايه! السهام الاف السهام اللي جاية من بعيد. ابو ديجانة يجري على النبي يدافع - 00:21:56

النبي بسيفه. يبص يلاقي ان المصيبة مش السيوف. المصيبة الرماح. السيف مش هيعمل حاجة للرماح اللي جاية من بعيد. وبحركة لا ارادية. بحب رهيب يقف ابو دوشانة يرمي جسمه على رسول الله. يرمي جسمه على حبيب الله. ما فيش حاجة هتخذشك يا رسول الله. يا ابو دجانة السهام ممكن تيجي في قلبك تيجي - 00:22:14

في بطنك في ضهرك. في رقبتك تيجي في اي مكان. انما رسول الله لأ. يطرس النبي بجسمه. يطرس النبي بلحمه ودمه. ابو دجانة يا

جماعة بقى ظهره عامل زي القنفز من كتر السهام اللي اتغرزت في ظهره وهو مصمم انه يدافع عن النبي عليه الصلاة والسلام. كان فيه صحابي اسمه - [00:22:34](#)

مرض يزيد السكن. عمارة كان بيحب النبي قوي. اتقتل جروح جروح بالغة قاتلة. يفضل يزحف عمارة. يفضل يزحف على الارض ودمه تنزف يفضل يسحب مش عشان مية ولا عشان حد يغيره. يجيرو. عشان يوصل لرجل النبي يحط راسه على رجل رسول الله. صلى الله عليه وسلم من كتر - [00:22:54](#)

الشوق اللي في قلبه بيموت وقلبه ملتهب من الاشواق لرسول الله. واول ما يحط راسه رجله راسه على رجل النبي. الشوق اللي في قلبه يهدأ كانه بيقول للنبي ها هنا المحيا وها هنا الممات يا رسول الله. سعد بن ربيع الانصاري يفضل يقاتل لغاية ما ياخذ اتناشر - [00:23:14](#)

قاتلة. اتناشر طعنة قاتلة وهو واقع في الارض مرمي مش قادر يتحرك. بيحتضن روحه بتخرج. حد من الناس يبجي عشان يشوف ماله يشوف احواله ايه يقول له اقرأ رسول الله مني السلام. وقل له جزاك الله عنا خيرا. ده رسالة من محتضر لرسول الله. انت - [00:23:34](#)

وانت على فراش الاحتضار. قلبك مش قادر من حب رسول الله صلى الله عليه وسلم. بيبعت رسالة حب وروحه بتغرغر في صدره. بيموت وقلبه ملتهب حب رسول الله وقل لقومي الانصار الا عذر لكم عند الله. ان خلص الى حبيب الله وفيكم - [00:23:54](#) عين تطرف. لو لسة قادر تحرك عينيك. لو لسة قادر تحرك حثة من جسمك. ما لكش عزر ان النبي يتوصل له. ايه الحب ده! ايه الحب الرهيب اللي وصله له. علي ابن ابي طالب يا جماعة لما سمع ان النبي مات كسر جفن السيف كسر الجراب. وفضل يقاتل وقال انا مش خلاص مش - [00:24:14](#)

فاجع انا هفضل اقاتل لغاية ما اموت زي ما النبي عليه الصلاة والسلام مات من معركة طويلة جدا. والدفاع عن النبي بقى استبسالي. وستر الصحابة بدمائهم بطولات فدائية رهيبة. واستبتوا حب النبي في قلوب المسلمين قد ايه - [00:24:34](#) كانت والله يا جماعة. والله هو ده النصر. قسما بالله اللي حصل ده هو النصر. هو فيه نصر زي ده! هو فيه حد عمل في التاريخ في معركة في التاريخ اللي الصحابة عملوها كل ده. كل ده بسبب اربعين واحد عصوا قبر رسول الله. يا كل واحد مكسر سنة - [00:24:48](#) النبي في حياتك. يا كل واحدة مكسرة لبس زوجات النبي في حياتها. يا كل عاصي لرسول الله اربعين واحد عصوه. كل ده حصل. اومال وربعميت مليون معاصيهم دي هتعمل فينا ايه ؟ اكثر من اللي معمول فينا ويقف الصحابة يرجع عمر ابن الخطاب يدرك ان ان جبل الرماة ده هو - [00:25:08](#)

جاية من هنا يجري مع كتيبة لجبل الرماة وينجح في شل حركة خالد ابن الوليد واللي محتلين الجبل. وهنا ترجع المعركة تاني تتقلب. يرجع المسلمين تاني تجري يجري ابو عبيدة ابن الجراح على الحديد اللي مغارس في هضم النبي يشيله بسنانه الحديد غارز لدرجة ان سنان ابو عبيدة - [00:25:28](#)

اتكسرت وهو بيخرج الحديد. فاطمة بنت محمد تجري في وسط مخاطر رهيبة. ابوها بينزف. والدم ما بيقفش لغاية الوقت كل ده. تعمل احرق حصير وتجيب الرماد الاسود وتحطه على جروح الرسول عليه الصلاة والسلام. لغاية ما الدم يقف. عائشة وام سليم يجروا على الجرحى يسقوهم مية - [00:25:48](#)

واحد يبجوا ويحاوطوا النبي ويبدأ الموضوع يرجع تاني. المعركة كانت طولت لدرجة ان المشركين خلاص ما عدوش قادرين. وياخذ الرسول الصحابة ويطلعوا على جبل احد ويبقى كده المعركة خلاص. شبه انتهت يا جماعة. ابو سفيان ما كانش عنده غير هم واحد. ابو سفيان كان كل همه ابو بكر وعمر ماتوا ولا لأ - [00:26:08](#)

ابو بكر وعمر الراجلين اسدين الاسلام دول ماتوا ولا لأ ؟ لو ماتوا خلاص زغرطي يا نساء قريش لو ماتوا خلاص. يبقى الاسلام كده عمودين من عواميد الاساسية اتكسرم يقف تحت جبل احد ويقول افيكم محمد؟ لا تجيبوه. الرسول يقول ما تردوش. افيكم ابا بكر لا تجيبوه - [00:26:28](#)

ما حدث يرد افيكم عمر لا تجيبوه اشمعنى ابو بكر وعمر؟ عارف ان دول الرجالة اللي طول ما هم في الصف لا يمكن الصف يتهزم.

عارف ان دول اصحاب الرسالة - [00:26:48](#)

ان دول اصحاب القضية. ان دول اكثر اتنين منشطين الصف كله في الحماس والرسالة. لو انت بتحاربي في المعركة وانت موجود. ابو سفيان هينطق اسمك كان هيتنطق في المعركة ينادي اعلو هبل لما عرف ان ابو بكر وعمر اتقتل واو زن كده يبقى الشرك انتصر واهله هبل. الرسول قال لهم الا تجيبوه اوعوا تسكتوا له. اوعوا تسمعوا - [00:26:58](#)

كلمة عند ربنا وتسكتوا. اوعي تسمعي كلمة عن رسول الله وتسكتي. اوعي تسمع كلمة عن حبيب الله وتسكت. اوعوا تشوفوا مقدسات دينكم بتنكس تهدم وبتعتدى عليها وتسكتم. الا تجيبوه يا رسول الله؟ نجيب ازاي؟ ده طلحة متقطع وابو دوجانة ضهره زي القنفز من السهام. يا رسول الله احنا متقطعين - [00:27:22](#)

لو نطقنا ممكن المعركة تفتح ثاني. هنستفزههم ونرجع ثاني. الا تجيبوه. وماذا نقول؟ قولوا الله اعلى واجل الصحابة الله اعلى واجل. ابو سفيان قال لنا العزة ولا عزى لكم. الرسول قال لهم الا تجيبوه؟ الله مولانا ولا مولى لك - [00:27:42](#)

الصحابة كلهم هتفوا ورا رسول الله. ابو سفيان عرف ان ابو بكر وعمر عايشين. قال ان ابا بكر وعمر لاحياها. الصف ده لا يمكن كده الا لو كان النبي وابو بكر وعمر عايشين. الثلاثة دول ما اتقتلوش ما ماتوش. ما ماتوش يا جماعة - [00:28:02](#)

وتوصل المعركة للمرحلة النهائية بتاعتها. وابو سفيان واقف عايز يعرف ابو بكر وعمر. ماتوا ولا لا؟ عمر في الآخر يقول له يا عدو الله. ان من احياء وقد ابقى الله لك ما يسوؤك. انت فاكرك ان الدين واقف على ابو بكر وعمر يا ابو سفيان! ده لسة فيه رجالة كتير اشداء وسطهم - [00:28:19](#)

بكرة هيوروكوا يا اهل قريش. يا ترى انت من الرجالة دول؟ يا ترى انت من الجنود بتوع ربنا سبحانه وتعالى دول؟ ويرجع ابو سفيان انزل النبي عليه الصلاة والسلام من على جبل احد ينزل يشوف السبعين قتيل. السبعين شهيد اللي ما كانوش لاقينهم اكفان. يمسك النبي جسد حمزة اللي اتقطع وهند مضغته - [00:28:39](#)

ضاغطه ببؤها هند بنت عتبة. يمسك جسد حمزة وينشخ بالبكاء. يتنفذ دموع رسول الله صلى الله عليه وسلم من كتر البكاء. الرهيب الرهيب بتاع النبي عليه الصلاة والسلام ويقول لولا صفية. صفية كانت تزعل اخت حمزة لتركت جسده حتى يبعث. من حواصل الطير وبطون السباع. عشان - [00:28:59](#)

يبقى شرف لي عند ربنا ويشوفه جسد عبدالله ابن جحش المتقطع. عبدالله ابن جحش اللي قبل المعركة كان بيقول اللهم ارزقني اليوم رجلا كافرا شجاعا يقتلني يبقى البطني يقطع انفي يجده اذني. القاك يا رب بدمي. اقابلك يا رب وانا دمي. مغرق جسمي متفجر - [00:29:19](#)

من كل حطة في جسمي. فتقول عبدي لما فعل بك هذا. فاقول فيك وفي رسولك يا رب. فيك وفي رسولك يا رب. جسد مصعب ما كانوش لاقين قماش يغطوا به جسم مصعب. افتقر لدرجة انه ما عندوش سوب يغطي جسمه. رضي الله عنه. جسد عبدالله ابن حرام. الرسول قال - [00:29:39](#)

بكيتموه ام لم تبكوه؟ ما زالت الملائكة تظله باجنحتها. الى ان رفع. عبدالله بن حرام ربنا يكشف له حجاب نور لان ما فيش حاجة عطلته عن ربنا سبحانه وتعالى. وجسد حنظلة الشاب اللي كان ليلة دخلته. كانت ليلة احد داهي ستة شوال كانت دخلته - [00:29:59](#)

وستة شوال بالليل. يعني كان صاحي على غزوة احد كان لسة جنب. يخرج اول ما يسمع حي على الجهاد. يا اللي ما بتخرجوش لما تسمعوا حي على الصلاة يخرج حنظلة يقاتل في الليلة دي ربنا يرزقه من زوجته عبدالله ابن حنظلة رغم انه اتقتل وابنه يكبر ويموت شهيد في فتوحات الاسلام - [00:30:19](#)

الاسلام. يبقى الشهيد ابن الشهيد. الرسول يشوف الملائكة بتغسل حنظلة. وفي صحيح الجامع والملائكة كمان بتغسل سيدنا حمزة. بتغسلهم الاتنين اجساد المسلمين كانت متمزقة قدام رسول الله صلى الله عليه وسلم. ويقف الرسول يدفن هذه الاجساد الطاهرة. يجسد يدفن هذه الاجساد. الطفيلي - [00:30:39](#)

نعم اجساد هؤلاء العظماء الكبار عمرو بن الجموح اللي كان بيعرج وقال قبل المعركة اني لارجو ان اطا بعرجتي الجنة. يدفنوا يا جماعة لما تروحوا عند شهداء احد هتلاقوا الحطة دهيت جنب الجبل كده فيها سور حواليه السبعين شهيد. سبعة وستين مدفونين في مستطيل واحد في الاخر - [00:31:01](#)

هنا وتلاتة مدفونين في مسلسل لوحدهم هنا. التلاتة اللي مدفونين لوحدهم غير السبعة وستين مين؟ مصعب. حمزة عبدالله بن جحش شمال التلاتة اللي اتقطعوا تحت تحت الراية. التلاتة اللي اتمزقوا اكر تلاتة اتقطعوا في الاسلام. تخيلي يوم القيامة. لما يبجي مصعب يوم - [00:31:21](#)

يا من ربنا شاييل كبده وبيقول له فيك يا رب ويبجي حمزة يوم القيامة. شاييل جسده واشلاؤه وبيقول فيك يا رب. ومصعب شاييل ايديه وبيقول فيك يا رب وعبدالله ابن جحش شاييل اعضاء بطنه وراه واذنه وانفه وبيقول فيك يا رب انت هتيجي بايه؟ انت هتيجي بايه؟ هتقابلوا ربنا بايه - [00:31:41](#)

ايه يا جماعة! يا اخوانا جبل الرماة اربعين واحد عصوك يا رسول الله اتهزمت الامة. شوفوا معصية اربعين واحد عملت فينا هي اللي بتعصم انتم السبب كل عاصي انت السبب في اللي حصل في العراق. انت السبب في اللي حصل في مغريب. انت السبب في كل شيء بيحصل في فلسطين. انت السبب. يا كل عاصي يا كل - [00:32:01](#)

متبرجة. يا كل واحد بياكل ربا بنوك. يا كل شاب ما بيغضض بصره. يا كل شاب له علاقة مع فتاة. يا كل واحد بيدخل على موقع نت قذرة او مواقع دش غير اسلامية. يا كل علما يا كل واحد. بيعصي الله على ارض الاسلام. انت السبب. انت السبب في اللي بيحصل. كلنا معاصينا - [00:32:21](#)

ايه السبب يا جماعة؟ يا جماعة الجيش اتهزم بسبب امر واحد من اوامر رسول الله. اتخالف سنة واحدة اتهسمنا بسبب غيابها بسبب سنة واحدة الجيش اتهزم مرة. وبسبب سنة واحدة الجيش انتصر مرة ثانية. لما كنا في معركة والنصر اتأخر القائد قال لازم فيه سنة غائبة - [00:32:41](#)

قالوا السواك الجيش كله استاك. الاعداء حزب المسلمين بيسنوا سناتهم عشان ياكلوهم. هربوا وسابوا الحصون واتفحت المدينة. بسبب سنة واحدة اتهزت وبسبب سنة واحدة. انتصرنا. يا جماعة لما الروماس سابوا السغر بتاعهم اتهزما. اوعى تسيب سغرك. اوعي تسيبي سغرك. الرماة ما كانوا ماسكين سيوف - [00:33:00](#)

صغر بسيط. ولكن لما نزلوا كل حاجة ضاعت. ايه الثغر بتاعك؟ لو انت ما لكش ثغر الدين هيؤتى من قبلك. لو انت سبت ثغرك الدين هيقتل من قبلك. يا جماعة التلات قوات بتوع المشركين اللي في المعركة. ابو سفيان وخالد وعكرمة. بكرة بقوا تلات قواد للمسلمين. بكرة - [00:33:20](#)

ابو سفيان هيموت بعد ما عينيه التنتين فقدت في معركة. وهو بيقاقل وهند بنت عقبة بتحتة على القتال والشهادة. وعكرمة هيموت وهو نفسه في بق مية بس عشان اخوه المسلم يشرب وخالد ابن الوليد هيفتح ربع العالم بكرة. الله اكبر! اعداء الاسلام بقوا قوات في في جنود جيشك يا محمد يا ابن عبدالله - [00:33:40](#)

عشان كده اي قوات جيوش مهزومة ما لهاش زكر. اشمعنى قوات جيوش اللي حاربت النبي؟ لانهم بكرة بقوا قواد في جيوش النبي عليه الصلاة والسلام لو انت في المعركة لو انت في المعركة كنت هتبقى ايه؟ لو انت في المعركة كنت لو انت ليلة دخلتك زي حنظلة كنت هتنزل لو انت مكان انس ابن النضر ونازلة لقيت - [00:34:00](#)

المسلمين بيتطحنوا هتنزلي لو انت مكان طلحة وسبعة مقتولين قدام النبي هتدخل. هتبقى مين؟ هتبقى اللي نزل من على الجبل وقال الغنيمة. ولا هتبقى اللي هرب من الجبل وقال خلاص قتل رسول الله ولا هتبقى زي عمر اللي عمل حركة فدائية استشهادية وراح شال خالد ابن الوليد على جبل الرماة هتبقى - [00:34:21](#)

اللي فدى النبي برقبته هتبقى زي مصعب هتبقى زي مين؟ في دول لو عايز تبقى معهم في الجنة لازم تعمل زي ما هم عملوا. لازم تمشي على الطريق اللي هم مشوا عليه - [00:34:41](#)

ليه لما رحت ووقفت قدام قبورهم وقدام قبورهم يا جماعة قلت يا رب يا رب فيه قبور واحد بعد ما مات يتشحن القلوب بسببه للدرجة ديت. سبعين رضا من رياض الجنة ماتوا من غير ما يشوفوا اي نصر رضي الله عنهم. يا رب سبعين واحد مقتولين. سبعين واحد بيسبتم ان الدين ده ما بيقومش غير بالتطهير - [00:34:51](#)

على قد التضحيات على قد الفتوحات. النهاردة باسمائهم شوارع في اوروبا. وامريكا وروسيا ومساجد باسمائهم. ارتفع ذكرهم بسبب التضحية يا جماعة. قبورهم بتسبب ان التضحية هي المنهج اللي الدين ده بيقوم به. وانا واقف قدام قبورهم قلت يا رب يا رب احنا اقزام للدرجة دي - [00:35:11](#)

احنا اقزام لهذه الدرجة. الناس دي عملت ايه هو احنا عملنا ايه ؟ قبورهم بتسبب. ان الاسلام لا ولن يموت. ان الدين ده مش هيموت ده ما بيقفش على حد ولو كان حمزة ومصعب الدين مش هيموت. ابدا حمزة اتقتل جه خالد ابن الوليد. مصعب اتقتل جه عمرو ابن العاص - [00:35:31](#)

ياه وتنزل ستين اية ستين اية من كتاب الله سبحانه وتعالى. في سورة ال عمران. والله يا جماعة والله انا قلت الكلمة ديت سبحان الملك ولقيتها مكتوبة في بعض الكتب. ما نحب - [00:35:51](#)

ان ان انتصرنا في احد ولم تنزل هذه الايات. ايات خطيرة. انا عايزك تجيبي من اية مية وعشرين لاية مية وتمانين في ال عمران. ايات رهيبة ربنا بيقول للمسلمين ان يمسسكم قرح فقد مس القوم قرح مثله. احمدوا ربنا ان جراحكم دي عشان الحق. في غيركم اتجرحوا وعشان الباطل. وتلك الايام - [00:36:04](#)

هي دي الدنيا. انتم فاكرين كلها بدر ولا ايه ؟ نداولها بين الناس وليعلم الله الذين امنوا. اسبتوا لربنا انكم مؤمنين بدمكم اي من نبي قاتل معه ربيون كثير. فما وهنوا وما ضعفوا وما استكانوا. اوعوا تقعدم. اوعوا مهما حصل لكم قوموا وكملاوا - [00:36:24](#)

وما محمد الا رسول. قد خلت من قبله الرسل. الدين مش هيقف على حد. ولا على محمد ابن عبدالله. ام حسبتم ان تتركوا ولما يعلم الذين جاهدوا منكم. انتم فاكرين الجنة ببلاش! الجنة مش ببلاش! ايات رهيبة! من ضمنها - [00:36:44](#)

شاورهم في الامر. اوعى يا محمد يا ابن عبدالله انت طالع بسبب المشورة. اوعى تبطل مشورة. المشورة حق. كمل مشورة. يا محمد يا ابن عبدالله وينزل قول الله ولقد كنتم تمنون الموت من قبل ان تلقوه. فقد رأيتموه وانتم تنظرون. انتم فاكرين الشهادة ايه ؟ المجاهدين يروحوا - [00:37:04](#)

فاكرين ان هو يقوم واخذ طلقة اي اتقتلت. الحور العين تنزل لا يا حبيبي. ده دم ودبح وطيران اشلأ ومدافع انتم فاكرينها بالكلام ولا بايه ؟ ستين اية من مية وعشرين لمية وتمانين. من اية مية وعشرين لاية مية وتمانين - [00:37:24](#)

في ال عمران ايام رهيبة ايام رهيبة يا جماعة. كان الكلام ده يوم السبت سبعة شوال سنة ثلاثة هجرية. يوم الحد النبي يقول للصحابة قوموا قوموا ايه يا رسول الله ؟ على - [00:37:43](#)

هنخرج نطارد جيش ابو سفيان. يا رسول الله ده احنا متقطعين. سبعين واحد من ابناء النبي ادفنوا امبارح. والنبي عشان ربنا حد يدفن الباقي بكرة رغم انهم حصيلة عمره. من كتر بطولة الصحابة اللي خرجوا لم يتخلف منهم واحد. ولا واحد من الصحابة اللي كانوا متقطعين في احد. مين - [00:37:53](#)

من كتر بطولتهم العلماء سموها غزوة بدر الصغرى. او غزوة بدر السانية. ويقوموا في غزوة حمراء الاسد يطاردوا المشركين. عشان تبقى الخطوة الاخيرة للمسلمين لمين ؟ عشان تبقى غزوة احد ثلاث غزوات. غزوة في الاول اتسحق فيها المشركين. واتنكست رايتهم. وبعد كده مرحلة في النص كانت على المسلمين - [00:38:13](#)

وبعد كده مرحلة في الاخر حمراء الاسد انتصر فيها المسلمين. ويبقى غزوة احد يا جماعة ما هيش هزيمة. ولكن اترك الصف في النص سبعين شهيد واياه يعني الاربعين رامي بتتوقعوا طبعاً ان النبي عمل لهم محاكمة عسكرية واتعدموا ما عملهمش حاجة عفا عنهم. ليه ؟ لان خلاص الدرس كان مؤلم كفاية كفاية - [00:38:33](#)

النبي وهو معدي من على جبل احد والشهداء مرمية على الارض. يقول لهم احد جبل يحبنا ونحبه. اوعوا حد يتشائم باحد. احد ده حابيني حب في ناس من امهات مش هتحبني قده. فيه بشر قلوبهم مش هتحبني زي ما الحجر حبني. الرسول يقول لهم احد بيبحبنا وبنحبه ده حبيبنا. واحنا حبايبه عشان ما حدش - [00:38:53](#)

اكره جبل احد ولا هيتشائم بجبل احد. ويقول للصحابه اصطفوا حتى اثنى على ربي. اوعى حد يقول لربنا السبب. احنا السبب. احنا اللي ضيعنا الخلافة. احنا اللي ضيعنا فلسطين والعراق وافغانستان وكشمير والشيشان والبرتغال واسبانيا. احنا اللي ضيعنا ملك الاسلام وجنوب السودان. احنا اللي مزقنا الامة. احنا مش - [00:39:13](#)

اعداءنا احنا اللي اديناهم السبب. احنا اللي اديناهم الفرصة غزوة احد غزوة رهيبة يا جماعة. غزوة رهيبة والنبي راجع. وواحدة تقابل الصحابة تقول لهم تقول لهم ما فعل رسول الله. يقولوا لها قتل ابوك. ما فعل رسول - [00:39:33](#)

لا قتل اخوك مات فعل رسول الله. قتل زوجك ما فعل رسول الله. لغاية ما تشوف النبي راجع تقول له كل مصيبة بعدك جلل. يا رسول الله فيه ناس قاعدة قدامي الوقت ممكن تقول معقول فيه واحدة تعمل كده! اللي بيبحب رسول الله هيعرف ان فيه ناس تبيع عمرها عشان نزره - [00:39:47](#)

تباع اهلها ومالها عشان نزره للنبي. ام سعد بن معاذ ابنها يتقتل عمرو ابن معاذ في المعركة. تبكي وتنهمل. ولغاية ما تروح تشوف النبي تقول له ما هانت علي مصيبة - [00:40:07](#)

الا لما رأيتك يا رسول الله كانت غزوة رهيبة. كانت غزوة خطيرة. كانت غزوة يا جماعة انتصرنا فيها. كانت غزوة اسبتت احنا رسول الله قد ايه؟ الامة دي بتدافع عن نبيها قد ايه؟ كانت غزوة كلها بطولات رهيبة ومآثر رهيبة. كانت غزوة عظيمة مرت الايام -

[00:40:17](#)

والملك الاسلام مر مضى في الارض. النبي بيقول رأيت رؤيا ان سيفي جاءت به سلمة. حنة كسر كده او حاجة. فهزته فعاد احسن ما كان السلمة كانت اللي حصل في احد. بعد كده الهزة التربوية اللي النبي ربي الصحابة عليها. حب الدنيا وقع من قلوب رجع ملك الاسلام احسن من ما كان. والدين انتشر - [00:40:37](#)

الارض وانتصرنا يا جماعة ويفضل شهداء احد كل ما هتروح عمرة وتزوري مدينة رسول الله وتقفى قدام قبورهم السبعين قبر تقفي ودموعك تنزل من عينيك غصب عنك تفتكري الرسول لما قال اول من يدخل الجنة من خلق الله. الذين تسد بهم الثغور. اللي هم ده هم وبتقى بهم المكاره - [00:40:57](#)

في عز الازمة اللي الكل هرب فيها هم وقفم ويموت احدهم وحاجته في صدره لا يستطيع لها قضاء. سابوا دنيتهم عشان الدين قربنا سبحانه وتعالى يدخل عليهم الملائكة فتقول سلام عليكم بما صبرتم. دول اول من يدخل الجنة من خلق الله. بعد سنين يزور الرسول شهدا - [00:41:17](#)

احد يقول لهم سلام عليكم بما صبرتم. كانه بيقول ان دول اول من يدخل الجنة من خلق الله. هنعمل ايه يا جماعة هنعمل ايه يا اخوانا؟ الاعتكاف بعد ايام. عايزين نعمل حاجة بقى. عايزك تعملي بطولة انزلي اعتكفي. جوزك بيبقى معتكف في المسجد وانت فوق. او اخوك وانت فوق في مسجد النساء - [00:41:37](#)

ها انزل اعتكف عش عشر تيام لله. يا جماعة عايزين نعتكف بقى. عايزين نعتكف على العبادة عشان قلوبنا تتطهر. عشان نطلع عشان نرتقي عشان نتغير عشان نغير عشان ربنا يغير الامة. لا يغير ما بقوم حتى يغيروا ما بانفسهم. عشان الامة تتغير بقى. الاعتكاف يا جماعة ربنا فاتح لنا - [00:41:55](#)

باب بيته اوعوا تقفلوها على نفسكم. عشر تيام في صلاة مستمرة. لانك في صلاة ما انتزرت الصلاة. فانت طول العشر تيام قاعد مستني صلاة ورا صلاة وراه صلاة عشر تيام هتبقى اطول صلاة في حياتك. يا ترى مين اللي هيخرج بهداية وتوبة في العشر تيام؟ ياما شباب اتقلبت حياتهم في الاعتكافات - [00:42:15](#)

يا ما ناس اتغيرت حياتهم في الاعتكافات. عشر تيام جهاد يا امة محمد. عشر تيام كفاح يا امة محمد. الاعتكاف. المفروض الامة كلها

تعتكف يعني الضعيف اوي بقى ينزل يعتكف طول الليل وامرنا لله. ولكن الاعتكاف يا جماعة ما نضيعوش ابدا. اقول قولي هذا

واستغفر الله لي ولكم. اللهم انصر - [00:42:35](#)

من الاسلام. اللهم انصر دينك واعز اوليائك. اللهم اجعلنا من جندك المخلصين. اللهم تب علينا لتتوب. اللهم انا نعتذر اليك. عن كل موقف خذلنا فيه نبيك. اللهم انا نعتذر اليك عن كل موقف خذلنا فيه دينك. اللهم اغفر لنا وتب علينا واجعلنا من جندك المخلصين -

[00:42:55](#)

وانصر بنا الاسلام واعز بنا الاسلام. واخرج منا دعاة وداعيات ينصرون دينك. ليلا ونهارا يا رب. اللهم اجعلنا من الفائزين بليلة قدر.

اللهم اكتبنا من الفائزين فيها يا رب. اللهم اكتبنا من الفائزين فيها يا رب. اللهم اكتبنا من الفائزين فيها يا رب. اللهم - [00:43:15](#)

لا تترنا فيها. اللهم لا تترنا فيها. يا رب اكتبنا فيها من الفائزين يا ارحم الراحمين اقول قولي هذا واستغفر الله لي ولكم سبحانك اللهم

وبحمدك اشهد ان لا اله الا انت استغفرك واتوب اليك. وجزاكم الله خيرا - [00:43:35](#)

قالوا لنا - [00:43:55](#)